

*Зам, тээврийн хөгжлийн сайдын  
2019 оны 06 сарын 12-ны 187 тоот  
тушаалын 05 дугаар хавсралт*



## **ИНД-106**

Иргэний Нисэхийн Дүрэм

### **Ханг-глайдерын үйл ажиллагааны дүрэм**

Иргэний нисэхийн ерөнхий газар

## **ДҮРМИЙН ТАЙЛБАР**

ИНД-106 нь дараах зохицуулалтын шаардлагыг тогтооно:

- ИНД-91-ийн шаардлагаас гадна, ханг-глайдерын үйл ажиллагааны нэмэлт шаардлага;
- ИНД-91-д үл хамаарах ханг-глайдерын үйл ажиллагааны шаардлага.

**Энэ Дүрэм нь Иргэний нисэхийн асуудал эрхэлсэн Засгийн газрын гишүүний баталсан ИНД-106-гийн цахим хувилбар бөгөөд зөвхөн ишлэл хийх зорилгоор хэрэглэнэ. Хүчин төгөлдөр ИНД-106, түүний нэмэлт өөрчлөлтийн хуулбарыг ИНЕГ-аас, эсхүл [www.mcaa.gov.mn](http://www.mcaa.gov.mn) веб сайтаас татаж авах боломжтой.**

**Мэдээлэл**

Гишүүн улсуудын иргэний нисэхийн Дүрмийг сайжруулах замаар иргэний нисэхийн салбарт нэгдсэн нэг Дүрмийн зохицуулалтад шилжих Олон улсын иргэний нисэхийн байгууллагын 1992 оны 29-р чуулганы А29-3 тогтоолыг хэрэгжүүлэх зорилгоор, Монгол Улс болон Шинэ Зеланд улсын ИНЕГ-ын хооронд 1999 оны 5 сарын 6-нд байгуулсан “Техникийн Хамтын Ажиллагааны Санамж Бичиг”-ийг үндэслэн Монгол Улсын Иргэний нисэхийн дүрмийг боловсруулсан.

**Өөрчлөлтийн түүх****Хүчинтэй огноо**

Анхны боловсруулалт

2002 оны 09 сарын 12

Нэмэлт өөрчлөлт 1

2010 оны 05 сарын 07

Нэмэлт өөрчлөлт 2 (Шинэчлэлт)

2019 оны 06 сарын 12

**Тэмдэглэл:** ИНД-106-гийн шинэчлэлтийг монгол, англи хэл дээр, NZ Part 106-гийн 2014 оны 04 сарын 01-ний А.3-д үндэслэн боловсруулсан болно.

## Гарчиг

<b>А Бүлэг - Ерөнхий зүйл</b> .....	<b>1</b>
106.1. Хамрах хүрээ.....	1
106.3. Нэр томъёо ба товчлол.....	1
106.5. Нисгэгчид тавих шаардлага .....	1
106.6. Ханг-глайдер болон параглайдерын нисгэгч (19.411).....	1
106.7. Агаарын хөлгийн НТЧ .....	2
106.9. Бүртгэл .....	2
106.11. Агаарын хөлгийн баримт бичиг .....	2
106.13. Түлшний шаардлага .....	2
106.15. Агаарын хөлгийн төхөөрөмж.....	2
106.17. Агаарын хөлгийн техник үйлчилгээ .....	2
106.19. Аюулгүй байдлын төхөөрөмж .....	3
<b>В Бүлэг - Нислэгийн дүрэм</b> .....	<b>3</b>
106.51. Хөдөлгөөний давуу эрхийн дүрэм .....	3
106.53. Үүлнээс зай барих.....	3
106.55. Минимум өндөр.....	3
106.57. Нислэг үйлдэх нөхцөл .....	3
106.59. Хөөрөлтийн талбай.....	3
106.61. Аяллын түвшин .....	3
106.63. Аэробатик нислэг .....	4
106.65. Дуудлага .....	4
106.67. Ханг-глайдерыг нислэгт чирэх .....	4

## **А Бүлэг - Ерөнхий зүйл**

### **106.1. Хамрах хүрээ**

Энэ Дүрэм нь дараах зохицуулалтын шаардлагыг тогтооно:

- (1) ИНД-91-ийн шаардлагаас гадна, ханг-глайдерын үйл ажиллагааны нэмэлт шаардлага;
- (2) ИНД-91-д үл хамаарах ханг-глайдерын үйл ажиллагааны шаардлага.

### **106.3. Нэр томьёо ба товчлол**

Энэ Дүрэмтэй холбоотой нэр томьёо болон товчлол нь ИНД-ийн нэр томьёоны тайлбарт багтсан.

### **106.5. Нисгэгчид тавих шаардлага**

(а) Ханг-глайдерын нисгэгч нь дараах үүрэгтэй:

- (1) ханг-глайдерын байгууллагын жинхэнэ гишүүн байх;
- (2) ханг-глайдерын нисгэгчийн зохих үнэмлэх эзэмшдэг байх;
- (3) нисгэгчийн үнэмлэхний болон холбогдох зэрэглэлийн эрх, хязгаарлалтыг мөрдөх;
- (4) тухайн ханг-глайдерын байгууллагын үйл ажиллагааны стандарт болон журмыг мөрдөх.

(b) Энэ зүйлийн (а)(2)-т заасныг үл харгалзан, ханг-глайдерын нисгэгчийн зохих үнэмлэх эзэмшдэггүй этгээд нь энэ зүйлийн (а)(1)-д дурдсан ханг-глайдерын байгууллагаас олгосон ханг-глайдерын Сургагч-нисгэгчийн үнэмлэх эзэмшигчийн шууд хяналтад ханг-глайдераар үйл ажиллагаа эрхэлж болно.

### **106.6. Ханг-глайдер болон параглайдерын нисгэгч (19.411)**

Ханг-глайдер, параглайдерын нисгэгч нь дараах гэрчилгээ болон зэрэглэл эзэмших үүрэгтэй:

- (1) эхлэн суралцагчийн зэрэглэл;
- (2) сурагчийн зэрэглэл;
- (3) дунд түвшний зэрэглэл;
- (4) ахлах зэрэглэл;
- (5) параглайдерын зэрэглэл-1;
- (6) параглайдерын зэрэглэл-2;
- (7) параглайдерын зэрэглэл-3;
- (8) параглайдерын Сургагч-нисгэгчийн зэрэглэл;
- (9) параглайдерын зорчигчийн зэрэглэл;
- (10) ангилал-1 ханг-глайдерын Сургагч-нисгэгчийн зэрэглэл;
- (11) ангилал-2 ханг-глайдерын Сургагч-нисгэгчийн зэрэглэл;
- (12) тусгай ур чадварын зөвшөөрөл.

### **106.7. Агаарын хөлгийн НТЧ**

ИНД-91.101(а)(1)(i)-ийн шаардлага нь ханг-глайдераар үйл ажиллагаа эрхэлж байгаа этгээдэд хамаарахгүй.

### **106.9. Бүртгэл**

(а) ИНД-91.107-гийн шаардлага нь ханг-глайдераар үйл ажиллагаа эрхэлж байгаа этгээдэд хамаарахгүй.

- (b) Дараахаас бусад тохиолдолд, нисгэгч ханг-глайдераар үйл ажиллагаа эрхлэхгүй:
- (1) ханг-глайдерыг нисэх клубийн гэрчилгээнд зөвшөөрсөн журмын дагуу ханг-глайдерын байгууллагад бүртгүүлсэн байх;
  - (2) ханг-глайдерын байгууллагын нисэх клубийн гэрчилгээнд зөвшөөрсөн журмын дагуу дараах байдлаар танигддаг байх:
    - (i) ханг-глайдерын таних тэмдгээр; эсхүл
    - (ii) нисгэгчийн хувийн дугаараар.

### **106.11. Агаарын хөлгийн баримт бичиг**

ИНД-91.109 болон 91.111-ийн шаардлага нь ханг-глайдераар нислэг үйлдэж байгаа этгээдэд хамаарахгүй.

### **106.13. Түлшний шаардлага**

ИНД-91.305-ын шаардлага нь ханг-глайдераар нислэг үйлдэж байгаа этгээдэд хамаарахгүй.

### **106.15. Агаарын хөлгийн төхөөрөмж**

(а) ИНД-91-ийн F Бүлгийн шаардлага нь ханг-глайдераар үйл ажиллагаа эрхэлж байгаа этгээдэд хамаарахгүй.

(b) Ханг-глайдераар үйл ажиллагаа эрхэлж байгаа этгээд нь тухайн ханг-глайдерыг 30 м-ийн (100 ft) нарийвчлалтай, газраас дээш өндөр заах алтиметрээр тоноггосон байна.

### **106.17. Агаарын хөлгийн техник үйлчилгээ**

(а) ИНД-91-ийн G Бүлгийн шаардлага нь ханг-глайдераар үйл ажиллагаа эрхэлж байгаа этгээдэд хамаарахгүй.

(b) Ханг-глайдераар үйл ажиллагаа эрхэлж байгаа этгээд нь, ханг-глайдерыг тухайн байгууллагын гэрчилгээнд зөвшөөрсөн журмын дагуу ханг-глайдерын байгууллагын олгосон хүчинтэй тохирлын баталгаатай (warrant of fitness) болохыг бататгана.

**106.19. Аюулгүй байдлын төхөөрөмж**

Ханг-глайдерын нисгэгч болон зорчигч нь дараах хэрэгсэлтэй байна:

- (1) ханг-глайдерын байгууллагын стандартад нийцсэн хамгаалалтын хатуу дуулга;
- (2) ханг-глайдерын байгууллагын стандартад нийцсэн маягийн бэхэлгээ.

**В Бүлэг - Нислэгийн дүрэм****106.51. Хөдөлгөөний давуу эрхийн дүрэм**

(а) ИНД-91.229(b)-д заасныг үл харгалзан, өндөрлөгөөс халин нисэж (soaring ridge) байгаа ханг-глайдерын нисгэгчийг, тухайн ханг-глайдерын баруун гар талд өндөрлөг байгаа бол түүний эгц урдаас өөр ханг-глайдер ойртох үед баруун тийш эргэхийг шаардахгүй.

(б) ИНД-91.229(d)-д заасныг үл харгалзан, өндөрлөгөөс халин нисэж байгаа ханг-глайдерыг гүйцэж түрүүлэх ханг-глайдерын нисгэгч нь гүйцэгдэж байгаа ханг-глайдерыг өндөрлөгтэй талаар нь гүйцэж түрүүлнэ.

**106.53. Үүлнээс зай барих**

ИНД-91.301(a)(2)-т заасныг үл харгалзан, аливаа этгээд нь дараах нөхцөлд, ханг-глайдераар далайн дундаж түвшнээс дээш (AMSL) 3300 м (11 000 ft) максимум түвшин хүртэл, үүлнээс доош 150 м-ээс (500 ft) хол зайтай ниснэ:

- (1) G-ангиллын агаарын зайд; эсхүл
- (2) E-ангиллын агаарын зайд (транспондер-шаардсан агаарын зайнаас бусад).

**106.55. Минимум өндөр**

ИНД-91.311(a)(3)-т заасныг үл харгалзан, хэрэв тухайн нислэг нь газарт байгаа хүн, эсхүл өмч хөрөнгөд аюул учруулахааргүй бол, аливаа этгээд ханг-глайдераар 150 м-ээс (500 ft) доош өндөрт, өндөрлөгөөс халин нисэж (ridge soaring) болно.

**106.57. Нислэг үйлдэх нөхцөл**

Аливаа этгээд ханг-глайдераар шөнөөр нислэг үйлдэхгүй.

**106.59. Хөөрөлтийн талбай**

Ханг-глайдерын нисгэгч зөвхөн ханг-глайдерын байгууллагаас зөвшөөрсөн хөөрөлтийн талбайгаас хөөрөлт үйлдэнэ.

**106.61. Аяллын түвшин**

ИНД-91.313(a)(1) болон ИНД-91.239(a)-ийн шаардлага нь ханг-глайдераар нислэг үйлдэж байгаа этгээдэд хамаарахгүй.

**106.63. Аэробатик нислэг**

ИНД-91.701(b) болон (c)-гийн шаардлага нь ханг-глайдераар нислэг үйлдэж байгаа этгээдэд хамаарахгүй.

**106.65. Дуудлага**

Ханг-глайдерын нисгэгч нь нислэгийн хөдөлгөөний үйлчилгээний (НХҮ) нэгжтэй хоёр талын радио холбооны төхөөрөмжөөр холбоо барихдаа өөрийн хувийн дугаарыг хэрэглэнэ.

**106.67. Ханг-глайдерыг нислэгт чирэх**

Хэт хөнгөн агаарын хөлгийн нисгэгчээс бусад этгээдийг ханг-глайдерыг нислэгт чирэхийг зөвшөөрөхгүй.

--oOo--